



**R. P. Lvcæ Pinelli Societatis Iesv, Theologi, Exercitia
Spiritvalia Qvadraginta, De Sacrosancto Eucharistiæ
Sacramento**

Pinelli, Luca

Coloniae, 1608

Exercitivm VIII. De Magnificentia, qua cum Ecclesia tractat hoc
Sacramentum.

[urn:nbn:de:hbz:466:1-59691](#)

50 EXERCITIUM VIII.

aut sapientis habuisti, & non è vestigio diuinam vltionem sensisti, propterea tamens securus non es; quia hi Hæretici, sapientiam sacrosancta hac mysteria violauerant, & indignis modis tractauerant, nec tamen diuina animaduersione statim extincti sunt, sed demum, cum de sceleribus suis non peniterent, diuinavoluntate, à proprijs canibus comedisi fuerunt.

Orabis pro Concionatoribus, ut non inniter glorientur, Christique excellentiam non suam prædicent.

EXERCITIUM VIII.

De Magnificentia, qua cum Ecclesia tractat hoc Sacramentum.

PVNCTA MEDITATIONIS.

1. C O N T E M P L A R E anima pia, quomodo S. Ecclesia à Spiritu sancto gubernata, nihil eorum quæ ad honosrandum augustissimum hoc Sacramentum conferre valeant, prætermittat. Primò enim omnes Ecclesiae, quæ per yniuersum

terra.

DE SAC. EVCHARISTIAE. 31

terrarum magnificentissimè architectatae sunt, ad huius Sacramenti cultum ac venerationem præcipue pertinent.

2. CONSIDERA magnifica & sumptuosa tabernacula, Sacerdotum vestes splendidas, pretiosos pannos, cæteraque Altarium ornamenta, & sacros Missarum ritus, ad decentiam & magnificentiam huius Sacramenti institutos esse.

3. REVOLVE quanta in festiuitatibus, quando in publicum Sacrosancta Eucharistia profertur, ad illius veneracionem fiant. Quam solenni cum processione, quanta cum multitudine luminum, quam festiuo cum campanarum sonitu, & Musicorum melodijs deferatur? Quam unusquisque laboret ut illorum dierum festiuitatem, quam religiosissimè celebret, Christumque maximis quibus potest honoribus prosequatur, ut sic contumelias quas sustinuit, cum per urbis Hierosolymitanæ plateas traheretur, resarciat.

4. CONSIDERA maximos etiam Principes viso augustissimo hoc Sacramento in genua procidere, ut illud venerentur & adorent; confiteanturque illum esse verum Dominum, à quo omnis ordinata potestas existit.

EXERCITIVM VIII.

3. EXPEND E omne hanc magnificientiam & apparatum , qui cælesti huic Sacramento exhibetur, quamuis nihil sit in comparatione eorum quæ meretur, Christum nihilominus acceptare, magnificere, & tanto gratiorem habere, quanto fructus inde nascens ad utilitatem animarum nostrarum reuertitur.

COLLOQVIVM.

Quid tu Domine nostro eges appara-
tu, quandoquidem magnificientia tua
à se ipsa tam ingens est, ut nullo fine termi-
netur? Eia Anima mea, quamuis Dominus
bonis nostris opus non habeat : attamen
nobis necessarium est, facultates & vitam
in honorem & obsequium tanti Domini
& benefactoris nostri expendere , quo sic
aliquatenus obligationi nostræ satisfacia-
mus. Si enim quando D E V S cùm filijs
Istrael habitare decreuerat, Salomon ædifi-
cauit ei templum admirabile, & obstupe-
dum: Nos , qui ab eo maioribus fauoribus,
& singularioribus beneficijs ornati ac
præuenti sumus , cupiente illo nobiscum
revera & corporaliter commorari , nos
ædificabimus ei magnifica templa ; non
erigemus sumptuosa Tabernacula , non
pixides

DE SAC. EVCHARISTIAE. 53

pidores sive arculas ex auro & argento fabrefactas, in quibus asseruetur, ei consecrabitur: Non ad illius honorem luminaria, quæ dies noctesque coram ipso luceant, accendemus: O sancta Ecclesia exorna sacras ædes, quantum potes tapetibus, aulæis atq; luminibus; fac omnia resonent suauibus concentibus, & melodijs; institue solennes admodum processiones, nunquam enim tanto honore, quanto tanta maiestas digna est, illam afficies,

O ingratia Synagoga, Dominaus hinc quæ hodie tam amplissimis honoribus à nobis affici conspicis, est ille, quem tu beneficiorum illius immemor, in urbis Hierosolymitanæ plateis multis contumelijs inhonorasti; quem tu magna cum ignominia per semitas regiæ urbis prostrasti. Aspice quantis nunc honoribus & præconijs per omnes totius mundi ciuitates decoretur. Intuere illum attentissime, quia non habet ultra manus vincetas, nec funem collo circumligatum, sed his successerunt aureæ catenæ & inæstimabiles gemmæ, quibus eç pidores & arculæ, in quibus asseruatur, adornantur. Non auditur amplius funesta illa tuba mortis prænuncia, nec præfertur ei vexillum mortis; sed resonant tubæ gaudij & lætitiae, atque præferuntur ei vexilla

C 3. trium-

triumphalia. Non clamat populus tolle & crucifige, sed gaudens & exultans vnamiter vociferatur: *Vivat I E S U S*. Ettu anima mea, quid ad laudandum Salvatorem agis? Quid pro illo honorando moliris? Non venit tibi in mentem Angelos de cœlis in tabulum descendisse, ut hanc Maiestatem venerarentur, & debitibus laudibus exornarent: & tu in Ecclesia, in conspectu atque præsentia eiusdem Maiestatis, animo constes distracto, & per diuersa vaganti: tu ibi huc illucque ad creaturas inaniter intundas, oculos conuertes, nec Creatorem tuum attendes ac reuereberis?

ORATIO.

OMnipotens sempiterne DEVS, qui nullum honorem aut sacrificium tibi oblatum suscipes, nisi ab interno & amoro affectu proficiatur: Da mihi cor mundum, & spiritum rectum innova in visceribus meis, vt honor, quem augustinissimo huic SACramento defero, maiestati tua gratus, iucundusq; , & anima mea salutaris ac meritorius sit.

MIRACULA.

VRB E V E T I (quæ Ciuitas Italie est) corporale affluatur sanguinetum : quod sic accidisse memorant . Sacerdos quidam dum sacra Missarum solennia celebraret , de panis & vini transubstantiatione hæsitare cœpit . Cumque Missam continuaret , atque ad hostiæ fractiōnem peruentum esset , statim ex hostia , quā fregerat , sanguis viuus emanare cœpit , & adeò corporale cruento tinxit , ut nulla ratione deleri potuerit . Cuius rei Urbanus Pontifex certior factus , Corporale deferri iussit , & solemnitate instituta in Ecclesia Vrbeuetana recōdidit : eodemq; miraculo motus , sacratissimi Corporis solemnitatē V. Feria post octauam Pentecostes , cum solemnī supplicatione instituit . Miraculū hoc alij in Castro Vulsini , alij in Osmio , qui locus intra Dicecesin Vrbeuetanam situs est , accidisse referunt . S. Antonin . par . 3 . tit . 19 . cap . 13 . § . 1 . Et Ioannes Stephan . Durant . de ritib . Eccles . lib . 2 . cap . 39 .

In vitis Patrum legitur , Seni cuidam sacrificanti , solitos fuisse Angelos , ad sanctissimorum horum mysteriorum venerationem , assistere . Accidit quodam tempo-

36 EXERCITIUM VIII.

se ut idē Senex à Diacono admoneretur, vt
ceremonias suas mutaret, eas enim magis
hereticas quā Catholicas esse, ijsq; D E V M
nō tā honorari, quām offēdi asserebat. Sed
ille Diaconi monita negligens, in ceremoniis
suis persistit; quare iterū à Diacono ad-
monitus est. Dubitare igitur incipiens, de
ritibus suis ab Angelis, quos Missarum so-
lennijs interesse, atque sibi assistere conspi-
ciebat, percutatus est, quos demum titus
sequi deberet, quibusque magis honorare-
tur Christus in sanctissimo hoc Sacramen-
to: Cui responderunt Angeli; illas cære-
monias, quas Diaconus sequendas esse
monuisse, amplectendas esse. Quibus ipse:
Cur ergo hactenus de hoc errore me non
commonuisti? At illi responderuat: Dea
voluntas est, vt homines ab hominibus
moncantur & instruantur.

DOCUMENTVM.

Fili, omnes labores & sumptus, qui ad
honorandum augustissimum hoc Sa-
cramentum impenduntur, Christo,
qui in eoreuera præsens est, sunt. Ide-
oque hilari ac lato animo, in festis ip-
sius ad illum honorandum omnes tuas vi-
res & industriam conferre debes: & cer-
tè

DE SAC. EVCHARISTIAE. 57

tò tibi persuadere, quod non modò in hac vita multis beneficijs te ornaturus, sed etiam omnes tuos sumptus & labores, post hanc vitam copiosissimè remuneraturus sit.

Orabis pro Veretundis, vt De vs illis tribuat commoditatem pergendi ad honordum sanctissimum Eucharistiae Sacramentum.

EXERCITIVM IX.

Sacramentum hoc dignè suscipientem illuminare.

PUNCTA MEDITATIONIS.

1. **C**ONTEMPLARE anima pia, quomodo Sacramentum hoc, quia in eo, verum mundi lumen praesens est, illuminat mentem suscipientis, omnesque ab ea tenebras effugat; non aliter ac sol noster visibilis, quando manè exoritur, noctis caliginem dissipat.

2. **C**ONSIDER A nihil esse quod tantoperè excæcerit animam sicut peccatum; atque inde fieti, quod peccator, dum non videt laqueos & offendicula semitæ per

C. 5. quam